



## МЕСЯЦА МАЯ В 16-й ДЕНЬ

Преподобнаго Феодора Освященнаго,  
ученика преподобнаго Пахомия Великаго

НА ВЕЧЕРНИ

Стихиры Феодора, глас 6.

Подобен: Всю отложивше:

**С**благ восхождѣние прѣжде положивый, / яко Владыка, / на облаце легце ныне сошед во Египет, / просияти избранныя пронарече, / восхищаемыя на облацех, / яко Богомудрыя, / с нимиже Феодор Освященный, отец наш, / столп непоколебимый, / в добродетели неуклонный, / пресветлыми сиянии сияя Христовыми, / со дерзновением молится о душах наших.

Египет первее, / демонскими неистовся жертвами и страстьми, / постническими ныне чинми украшается / и различными добротами, / добродетельми Божественными украшаемъ показуется. / В немже просия Божественных даров тезоименитый / Феодор преподобный, / и Боговидный, и Богоприятный, / иже, чудным смирением подобяся Христу, / со дерзновением молится о душах наших.

Пощение, воздержаніе, / смирение, терпение, / ошачаніе злобы, добродетели пріятіе / от юности мудрый Феодор, / постник великий, Богомудрый показася, / тепл быв Божественныя любви рачи-

тель, / и вся видима, радуясь, превзыде, чудный, / жительством возвышаемый, / беседа Богу, / со дерзновением молится ныне о душах наших.

### Слава, и ныне, праздника

#### Тропарь, глас 1:

**П**устынный житель, и в телеси Ангел, / и чудотворец явился еси, Богоносе отче наш Феодоре: / постом, бдением, молитвою небесная дарования приим, / исцеляеши недужныя и души верою притекающих ти. / Слава Давшему тебе крепость, / слава Венчавшему тя, / слава Действующему тобою всем исцеления.

**Канон, егоже краеграние: Пою Богу ты дара свящenna. Глас 2.**

#### Песнь 1

**Ирмос: Во глубине постла иногда / фараонитское всеобинство преоруженная сила, / воплощшееся же Слово всезлбный грех потребило есть, / препрославленный Господь, славно бо прославился.**

**Песнопении** хотящему твоё пети ныне торжество, / Божественных даров яко сый тезоименит, / дар подаждь ми светоносен, / от сокровищ почерпая неиздаемых благодать Божественную, всеприснопамятне.

**Поучаяся** закону прилежно, отче, чистому, / весь чист и пречист был еси, / Всечистому же Слово совокупляясь, / чистоты светел сосуд показался еси и освящен, всеблаженне.

**Богородичен: У** мертвив себе миру, / жизнь, отче, равноангельну на земли благочестно проходя, / Возсиявшему от ложесн девических последовал еси, / крест твой на рамо взем, Богомудре преблаженне.

#### Песнь 3

**Ирмос: Процвела есть пустыня, яко крин, Господи, / языческая неплодящая, Церковь / пришествием Твоим, / в нейже утвердися мое сердце.**

**Яко** дар любим, Владыце, преподобне, / твою душу, Феодоре, спасаему / и воздержанием от страстей измененну принесл еси.

**Бо́гу** освящён, превозшёл еси́, всему́дре, зр́мых чу́вство, / чи́стым же умом бесéдовал еси́ уму́ превы́спреннему, преблаже́нне.

**Богорóдичен:** Удали́лся еси́ в пусты́ни, бéгая, сла́вне, / и́же от Дéвы просия́вшего Бо́га Сло́ва ты при́им, / о Нёмже и спа́слся еси́, досточу́дне.

### Конда́к, глас 2

Подóбен: Вы́шних ища́:

**В** дому́ Бо́жии, я́ко фи́никс, процвёл еси́, / плоды́ же добродéтелей Го́сподеви принёсл пощёни-ем изря́дным, / óтче преподóбне, / те́мже и ублажа́ешия, / я́ко Безплóтных равносто́ятелен.

### Седáлен, глас 3

Подóбен: Божéственныя véры:

**Божéственною** си́лою одéян, / обнажи́л еси́ пол-ки́ супротíвных сил, Богоно́се, / и, добродéтелей просия́в свéтлостию, / исцелéний зарю́ облистáл еси́, óтче преподóбне: / Христá Бо́га моли́ даровáти нам véлию мýлость.

**Сла́ва, и ны́не, прáздника или́ Богорóдичен:**

**Божéственная** ски́ния была́ еси́ Сло́ва, / еди́на Пречи́стая Ма́ти Дéво, чистото́ю А́нгелы превозше́дшая, / па́че всех менé, персть б́вша, оскверне́на плотски́ми прегрешéньми, / очисти́ моли́тв Твои́х Божéственными вода́ми, / подаю́щи, Чи́стая, véлию мýлость.

### Крестобогорóдичен:

**Несквёрная** А́гница Сло́ва, нетлénная Дéва Ма́ти, / на Крестé зря́щи повéшена из Нея́ без болéзни прозя́бшаго, / ма́терски подобно, рыда́ющи, вопи́яше: / увы́ Мне, Ча́до Моё, ка́ко страждеши во́лею, / хотя́ изба́вити от страсте́й безчéстия челове́ка?

### Песнь 4

**Ирмо́с:** Прише́л еси́ от Дéвы, не ходáтай, ни А́нгел, / но Сам, Го́споди, вопло́щся, / и спасл еси́ всего́ мя, челове́ка. / Тем зову́ Ти: сла́ва си́ле Твоёй, Го́споди.

**Купносе́льник** Пахо́мию Божéственному быв, / нра́вы подража́л еси́, óтче Богому́дре Феóдоре, /

того воздержанию и правосла́вней вѣре подобяся.

**Певáемаго Цáрства и Божѣственнаго сия́ннiя,** достóйно получил еси́, / **я́ко быв худог\***, **óтче,** чистотóю, к причáстию неизречѣнных красоты́.

**Сѣла ефиóпская, дѣмонская сóнмища твоего́** ужасóшася терпѣнiя, и смиренiя, / и непрестáннаго во бдѣнiих твоего́ стоя́ннiя, досточóудне.

**Богорóдичен:** Во изступлѣнiи главы́ сiльных ссекóшася / **стра́хом рожде́ствá Твоего́,** Богороди́тельнице Всенепорóчная, / **собóр же преподóбных** удивiся достóйно Божѣственною благодáтию.

### Песнь 5

**Ирмо́с:** **Ходáтай Бóгу и челове́ком был еси́,** **Христѣ́ Бóже:** / **Тобóю бо, Влады́ко, к Светоначáльнику, Отцú Твоему́,** / **от но́щи невѣдения / приведе́ние ймамы.**

**Учѣнiя тѣпле честна́я имѣв,** / **разорiл еси́** всех ересей прелѣстна́я прiятiя, **мúдре,** / **Трóйческою вѣрою** огражда́я ста́до твоѣ.

**Я́ко свет войстинну на землí был еси́, Феóдоре,** / **житиѣ непорóчно пожiв,** всеприснопа́мятне, / **пóстников украше́ние, мона́шествующих похвала́.**

**Богорóдичен:** Течѣнием пóстнических слез напая́я сѣрдце твоѣ, / **плодоно́сно показáл еси́** возсия́вшему Влады́це Христú от Дѣвы Святы́я, / **Феóдоре** пребогáте.

### Песнь 6

**Ирмо́с:** **В бѣздне грехóвней валя́яся,** / **неизслѣдну́ю милосѣрдiя Твоего́** призывáю бѣздну: / **от тли, Бóже, мя возведi.**

**Свѣтлое и Богоугодное житиѣ твоѣ** / **тебѣ Небѣсную,** **óтче,** свѣтлость святыхъ показá, / **в сѣлех небѣсных, Феóдоре.**

**Победитель, одолевáя, Феóдоре,** лукавствия́ ду́хов, **был еси́,** / **Утѣшителя́ Дúха помощника́** стяжав, **Богопрiятне.**

**Богорóдичен:** **Облак лѣгкий еси́, Чiстая,** / **на нѣмже седя́,** прiиде во Егiпет **Вседержитель** **Госпо́дь** / **и свѣтильники преподóбныя соде́ла.**

**Конда́к, и йкос прáздника.**

\* худог — опытный, умелый, богобоязненный.

## Песнь 7

**Ирмос:** Богопротивное веление / беззаконно-  
ющего мучителя / высок пламень вознесло есть, /  
Христос же простре Богочестивым отроком росу  
духовную, / Сый благословен и препрославлен.

Разумно возжелал еси, якоже Боговидец, / Божественную светлость видети, Феодоре, / темже видимая вся оставил еси, / во мрак же вшед, зрети сподобился еси Непостижимаго.

Яда ты змиина душетленного, преблаженне Феодоре, никакоже приим, / сего память, отче, погубил еси, / память непрестанно Божию в сердцах, блаженне, стяжав.

**Богородичен:** Святых Святаго, во святых почи-  
вающего, / свято породила еси, Дево Всенепороч-  
ная, / за милосердие многое Человека бывша, из  
Тебе воплощенна, / прежде Безплотнаго.

## Песнь 8

**Ирмос:** Пещь иногда огненная в Вавилоне дей-  
ства разделяше, / Божиим велением халдеи опаля-  
ющая, / верная же орошающая, поющая: / благо-  
словите, вся дела Господня, Господа.

Ты световиден, Свету пресветлому беседовав, явился еси, преблаженне Феодоре, / единением же лучшим паче естества обожаемь, зовый ныне: / благословите, вся дела Господня, Господа.

Мученик быв тверд ко греху, даже до крове противлься, Богомудре Феодоре, / венцем страдания твою главу украсил еси, зовый ныне: / благословите, вся дела Господня, Господа.

**Богородичен:** Явился нам из Тебе, Богородительнице, правды светлое Солнце, / просвещая всяческая зарю Божества, / воплощся Вшший, Егоже ныне воспеваем: / благословите, вся дела Господня, Господа.

## Песнь 9

**Ирмос:** Безначальна Родителя Сын, Бог и Гос-  
подь, / воплощся от Девы, нам явился, / омраченная просветити, собрати расточенная. / Тем Всепетую Богородицу величаем.

**Н**ыне не в гаданиих тебе Христос видим есть, / к лицу же паче видится лицом, истинным явлением, / иже сеновным разрешшимся зеркалом, / даров тезоимените, Спаса и Бога нашего.

**Желание Божественное** твое исполнися, Феодоре, / яко достиг кончину, еже пощением издалеча зряше со умилением, / егуже и получив, желания уставил еси, / постников похвалю, монашествующих благолепие.

**Богородичен:** Недуговав растлеться преслушанием, первый Адам Тобою, Богомати, обновися: / Ты бо, воплощенна Слова рождши без истления неизреченно, / тлю искоренивши, нетление процвела еси.

**Преподобный Феодор** назван «Освященным» потому, что первым в своей обители был рукоположен во священники.

Преподобный Феодор происходил из Египта и был сыном богатых и знатных родителей-христиан. У него рано появились стремление к иноческой жизни. Однажды, когда в доме родителей в честь праздника Богоявления было большое угощение, отрок, не желая принимать участие в пиршестве, скорбел, что за радости земной жизни будет лишен будущей. 14-ти лет он тайно ушел из дома и поселился в одном из монастырей. Услыхав о преподобном Пахомии Великом, он возгорелся желанием увидеть подвижника. Преподобный Пахомий с любовью принял пришедшего отрока, будучи предуведомлен Богом о приходе его. Оставшись в обители, преподобный Феодор быстро преуспел во всех иноческих подвигах, особенно же в полном послушании своему наставнику и в сострадании к окружающим братьям. Мать Феодора, узнав, что он находится в Тавенниской обители, с письмом от епископа пришла к преподобному Пахомию, моля о свидании с сыном. Но инок Феодор, опасаясь нарушить обет отречения от мира, отказался видеться с матерью.

Видя разум и способности святого

Феодора, преподобный Пахомий однажды просил его сказать поучение братии от Божественного Писания. Святому Феодору тогда было 20 лет. Он беспрекословно повиновался и стал говорить, но некоторые из старших братьев оскорбились тем, что им читает поучение новоначальный инок, и удалились. Тогда преподобный Пахомий сказал им: «Вы покорились дьяволу и своим самомнением погубили свои труды. Вы не Феодора отвергли, но отвергли Слово Божие и лишились Святого Духа».

Святой Пахомий назначил преподобного Феодора строителем Тавенниской обители, а сам удалился в более уединенный монастырь. Святой Феодор продолжал с сыновней любовью заботиться о своем наставнике, в предсмертной болезни преподобного Пахомия ухаживал за ним. Когда великий авва преставился ко Господу, он закрыл ему глаза. После смерти преподобного Пахомия святой Феодор управлял Тавеннисским монастырем, а позднее стал во главе всех фиваидских обителей. Преподобный Феодор Освященный прославился святостью жизни и обильным даром чудотворений, он был хорошо известен святителю Афанасию, Патриарху Александрийскому. Блаженная кончина святого Феодора последовала в 368 году.



## Преподобнаго отца нашего Ефрема Перекóмскаго

### НА ВЕЧЕРНИ

На Господи, возвахъ: **стихиры, глас 5.**

Подобен: Радуйся:

**П**реподобне отче Ефреме, / любвию Божественною разжизаемъ, / отечество и род оставил еси / и, в пустыню достиг / и тамо малу хлевину создав, / в ней добре подвизался еси. / Темже и по преставлении твоём / благодать от Господа приял еси чудес, / моли спастися тебе почитающим.

Преподобне отче Ефреме, / любви ради учителя твоего, / вся, яже на земли, преобидел еси, / и, в пустыню вселився, / плоти похотное мудрование умервил еси, / и постническими труды твоё житие уяснил еси. / Отонудуже и ученики собрав, / ревнующия твоему житию, / сих Христу привёл еси, / Егже моли спасти всех, тебе поющих.

Иже неправедно разбойнически / нашедших на обитель твою, преподобне, / хотящих оскорбити ученики твои, / ты же от келлии яко тех видел еси, / токмо жезла ударением устршил еси. / Отонудуже, яко познавше своё безчеловечное суровство, / со студом бегству устремшася. / Христу молися спасти души наша.

### Слава, глас 6:

На устьи Веренды, / на острове водворився, преподобне, / и в пустыню безмолвия вшед, / тамо келлию создал еси, / в нейже Небесное богатство стяжал еси, / слезами убо постясь, / радостию пожинаеши плоды трудов твоих. / Темже обитель, юже труды твоими стяжал еси, / со ученики не остави, / но милостивно посещай, / Христу, отче Ефреме, молися спасти души наша.

### И ныне, праздника.

**Вход. Прокимен дне. И чтения три преподобническая (зри страницы 366—367).**

## На стихóвне стихіры, глас 2.

Подóбен: Дóме Евфра́фов:

**Я**ко преходящую жизнь / на земли презрѣв,  
блаженне, / тамо сподобился еси́ уллучи́ти / жизнь  
Божественную / и тоя сияние приял еси́, Богоно́се.

**Стих:** Честна́ пред Го́сподем / смерть преподóб-  
ных Его́.

**Лю**бве ра́ди Христо́вы, / преподóбне Ефре́ме, /  
плóти рачи́тельное умертвил еси́ мудрова́ние / и  
ду́шу, от страсте́й свободну, / Бо́гу предста́вил еси́.

**Стих:** Блажен муж, бойся Го́спода, / в за́поведех  
Его́ восхо́щет зело́.

**Бо**дренными моли́твами / и слéзными  
истóчники / Це́рковь ве́рных / обогати́л еси́, / Бо-  
гоблаженне Ефре́ме.

## Сла́ва, глас 8:

**Мо**на́хов мно́жества / наста́вника тя почита́ем,  
о́тче наш Ефре́ме: / твоёю бо стезе́ю войсти́нну  
пра́во ходи́ти позна́хом. / Блажен еси́, Христу́  
рабо́тав, / и вра́жию обличи́л еси́ си́лу, / А́нгелов  
собесе́днице, преподóбных соприча́стнице и пра́-  
ведных, / с ни́миже моли́ся Го́сподеви / поми́лова-  
тися ду́шам на́шим.

## И ны́не, пра́здника.

## Тропа́рь, глас 4:

**О**т юности твоея́ весь Бо́гови порабóтился еси́,  
блаженне, / и Того́ ра́ди любве́ о́течество и род  
оста́вил еси́, / в пусты́ню всели́вся, / в нейже  
жесто́кое жити́е показав, / и чудес дарова́ния от  
Бога́ приял еси́, / Ефре́ме преподóбне. / Моли́  
Христá Бо́га, да спасёт ду́ши на́ша.

## НА УТРЕНИ

**На Бог Господь: тропа́рь пра́здника, два́жды.**  
Сла́ва, **свята́го. И ны́не, пра́здника.**

## По 1-й стихоло́гии седа́лен, глас 4:

**Ю**ность твою́, преподóбне, воздержáнием увяди́л  
еси́, / стра́сти телесныя, я́ко плéнника худа, свя-  
зав, ду́хови повинул еси́, / и сего́ ра́ди, о́тче



Ефре́ме, Христо́с чудесы́ пресла́вно тебе́ венча́ет, /  
еди́н, прославля́яй святы́х Свои́х.

**Сла́ва, и ны́не, Богоро́дичен:**

Умертви́ся вся кре́пость моя́ от мно́жества  
безме́рных зол мои́х / и, мно́гими скорбьми́ одер-  
жи́м, уже́ отча́ялся, / но помози́ ми, Влады́чице,  
Ефре́ма блаже́ннаго предста́тельством, / я́ко ра́-  
дость ро́ждшая, пла́чушим утеше́ние.

**По 2-й стихоло́гии седа́лен, глас 5.**

Подобен: Собезнача́льное:

По́стника Госпо́дня пе́сньми почти́м, / я́ко умер-  
тви́вша вся прило́ги страсте́й / воздержáнием  
твёрды́м и кре́пким терпе́нием войсти́нну / и  
посрами́вша зело́ сопроти́внаго всю горды́ню, /  
ны́не моля́щаяся Го́сподеви поми́ловатися душа́м  
на́шим.

**Сла́ва, и ны́не, Богоро́дичен:**

Ужа́сно чу́до зача́тия и несказа́нен о́браз  
рождества́ / в Тебе́ позна́ся, Присноде́во Чи́стая, /  
ужаса́ет мой ум и удивля́ет помышле́ние: / сла́ва  
Твоя́, Богоро́дице, во всех простре́ся, ко спасе́нию  
душ на́ших.

**По полиеле́и седа́лен, глас 4:**

Я́ко со́лнце, возсия́л еси́ заря́ми всему́ ми́ру, /  
издале́ча чудесы́ твоими́, чудотво́рче Ефре́ме, /  
светоно́сче блаже́нне, преподо́бных похвало́.

**Сла́ва, и ны́не, Богоро́дичен:**

В кров Твой, Де́во, вси прибега́юще, вопие́м Ти: /  
мольбу́ приими́ от нас и не преста́й моля́щихся  
Человеколю́бцу / спасти́ся рабо́м Твои́м.

**Степе́нна, 1-й антифо́н 4-го гласа. Прокі́мен:**  
Честна́ пред Го́сподем / смерть преподо́бных Его́.  
**Стих:** Что́ возда́м Го́сподеви о всех, я́же воздаде́  
ми? **Ева́нгелие от Матфе́я, зача́ло 43.**

**По 50-м псалме́ стихира, глас 6:**

Преподо́бне о́тче, / во всю зе́млю изы́де веща́ние  
исправле́ний твои́х, / тем на Небесе́х обре́л еси́  
мзду трудо́в твои́х, / де́монския погуби́л еси́ полки́ /

и а́нгельския достѣгл еси́ чѣны, / ѣхже жити́ю без поро́ка поревновáл еси́. / Дерзновѣние имѣя ко Христу́ Бо́гу, / мир испроси́ душáм нáшим.

**Канонъ праздника на 6 и преподобнаго Ефрема на 8, глас 4.**

### Песнь 1

**Ирмосъ:** *Отвѣрзу уста́ моя, / и наполнятся Духа, / и слово отръгну Царѣце Матери, / и явлю́ся, свѣтло торжествую́, / и воспою́, раду́ясь, То́я чудеса́.*

**Смирѣлся** еси́ Христа́ ра́ди, о́тче, / и, Крестъ возьмъ, от отѣчества и сродникъ, я́ко от змѣя, бѣгал еси́. / Отонудуже в пусты́ню вшедъ, / в нейже трудолюбно подви́зълся еси́, преподобне.

**От юности** твоея́, о́тче Ефре́ме, / умъ къ Бо́гу вперѣвъ, / тлѣнными нетлѣнная, я́ко добрый купецъ, искупѣлъ еси́, / тѣмже, ны́не соше́дшеся, па́мь твою́ почита́емъ.

**Христовымъ** рачѣниемъ, о́тче Ефре́ме, па́че огня распала́емъ, / настоя́щая, я́ко ничто́же су́щая, презрѣлъ еси́, / сегó ра́ди в поко́ища вселѣлся еси́, иде́же пра́ведныхъ ду́ши веселя́тся.

**Богородиченъ:** *Боляща исцели́ душе́ю же и тѣломъ, Влады́чице, раба́ Твоего́, / блаже́ннаго Ефре́ма молѣниемъ: / Тебѣ бо Предста́тельница вси су́щии в печа́ли стяжа́хом, / я́ко ро́ждшую спасѣние нáше.*

**Катавасія праздника.**

### Песнь 3

**Ирмосъ:** *Твоя́ песносло́вцы, Богороди́це, / живѣи́и и незавѣстный исто́чнице, / ликъ Себѣ совоку́пльшия, духо́вно утверди́, / в Божѣственной Твое́й сла́ве / венце́в сла́вы сподоби́.*

**Сна твоѣма** очѣма не дал еси́, блаже́нне Ефре́ме, / ни ве́ждома дрема́ния, / до́ндеже сподобѣлся еси́ пра́ведныхъ селѣния, / еже угото́ва Богъ, преподобне, лю́бящимъ Его́.

**Бодренными** твоѣми моли́твами, о́тче Ефре́ме, / и жесто́кимъ воздержáниемъ Го́споду на землѣ́ добре угоди́лъ еси́, / сегó ра́ди стра́шенъ враго́мъ и сла́венъ челове́комъ былъ еси́.

**Ра́йскую** жизнь и та́мо святы́хъ весѣлие всегда́ во умѣ твоѣмъ помина́я, преподобне, / в слезáхъ и въздыхáнїихъ всю твою́ жизнь, о́тче Ефре́ме,

прошёл еси, / сего ради и по смерти от Христа чудесы прославился еси.

**Богородичен:** Источаеши исцелений струи болящим, Дево, всюду: / Ты бо источник показав милосердия, Владычице, / Иже милости Господь, из Тебе рождётся паче ума.

**Седален, писан по 1-й стихологии.**

#### Песнь 4

**Ирмос:** Седяй в славе на престоле Божества / во облаце легце, / прииде Иисус Пребожественный / Нетленною Дланию и спасе зовущия: / слава, Христе, силе Твоей.

Житие твоё, отче Ефреме, чудно на земли показав еси, / велико пощение и смирение, / сего ради тамо величество наследовав, / моли спастись от бед поющим тя.

Сергия великаго житию последуя, преподобне, / темже того, елико мощно, именованіе от жития стяжал еси, / Ефреме пребогате.

Постом и молитвами тело твоё изнурил еси / и сего ради сподобился еси видети неизреченная благая, яже святым уготована, / с нимиже, отче Ефреме, о нас молись.

**Богородичен:** Кров, и заступление, и прибежище буди ми, Дево, рабу Твоему / и исцели мя от безмерных зол воспевати, Пречистая: / слава Рождеству Твоему.

#### Песнь 5

**Ирмос:** Ужасошася всяческая / о Божественной славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя / мир подавающая.

Чисто житие твоё от юности потщался еси, преподобне, сохранить, / темже, чистоту твою видев, Пресвятый Дух в тя вселился.

Яко преобидев тленная, вечная, отче, сподобился еси прияти / по неложному словеси: просите и примете. / И еже яко просил еси, сия по достоинству приял еси.

Место, еже сподобился прияти честныя мощи твои, преподобне, освятись, / и по многим странам

прославляемо есть, / яко в себѣ мѡщи твоѧ имѣет.

**Богорѡдичен:** Не престай молящи, Егѡже родила еси, Богоневѣсто, яко Спаса и Владыку, / разрешѣние подати скорбем и болѣзнем, / к радости нетленней мя возведи, прощая ми согрѣшения.

### Песнь 6

**Ирмос:** Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождшагося Бога славим.

Твое великое житие и чистоту, / к сим же безмерное смирение провидев, Пресвятый Дух / славна ты, отче, всем показя. / Темже, от сего жития ко оному веку прешед, / получил еси с праведными веселие.

Днесь начинаема священная память твоѧ, преподобне Ефреме, веселит ученики твоѧ, / воспевающие любовь и подвиги твоѧ и честное успение славящая, торжествующе, / ихже молитвами твоими, отче, соблюди.

Разбойницы первее пришедше тебе оскорбити, преподобне, / но ты, тех разумев лукавство, воздвигнути тем древо рекл еси, / не могущим же многим тебе единому противитися. / Темже, яко посрамлени прочее, со страхом отбежаша, / паче побеждены бывше, нежели победяша.

**Богорѡдичен:** Твою подаждь ми помощь / и избави мя, Владычице, от бед и скорбей, и прегрешений моих, / Яже всех рождающая избавление.

### Кондак, глас 8

Подобен: Взбранной:

**А**нгельскому житию поревновав, преподобне, / вся земная оставив, ко Христу притекл еси / и, Того заповедьми огражда, / явился еси столп непоколебим от вражних нападаний. / Тем зовем ти: / радуйся, Ефреме, светило пресветлое.

### Икос:

Иже в мертвенном теле Ангельскому уподоблься житию паче естества / и с теми на Небесех ликуя, / приидите, вси вернии, воспоем преподобнаго

Ефрема: / той бо, яко уметы, вмени мирская вся красная, яко да Небесных получит, / вшед на гору, якоже древле Моисей и великий Илия, / постом очищся, сподобися видети Тройческую светлость / не во мраце, ни в вихре, но во свете благодати Божия. / Тем и чудес лучи испущая светло / и реки исцеления источая верным от гроба, яко недугов исцелитель, / радуйся, отче Ефреме, светило пресветлое.

### Песнь 7

**Ирмос:** Не послужиша твари Богомудрии / паче Создавшего, / но, огненное прещение мужески поправше, / радовахуся, поюще: / препетый отцев Господь и Бог, благословен еси.

Источает чудеса честная рака твоя, преподобне, преизобилующи благодатию, / верою приходящим здравие дарует, Христу от души вопиющим: / благословен еси, Господи, Боже отец наших.

Древним онем великим отцем, в посты провозсиявшим, / житием подобяся, преподобне, в пустыню вселился еси / и тамо в пощениих многа лета пребыл еси.

Яко истиннаго и краткога Пастыреначальника Христа / незлобное овча, отче Ефреме, был еси, / темже незлобив к хотящим тебе озлобити был еси, Христови вопия: / Боже, благословен еси.

**Богородичен:** Обошрены болезни ран моих от безмерных моих прегрешений, Владычице, / ведут в смерть душевную и телесную, / но исхити, яко сильна, всяких скорбей и недугов.

### Песнь 8

**Ирмос:** Отроки благочестивыя в пещи / Рождество Богородичо спасло есть, / тогда убо образуемое, / ныне же действующее, / вселенную всю воздвизает пети Тебе: / Господа пойте, дела, / и превозносите Его во вся веки.

Из млада, преподобне отче, потщался еси / твою совесть и сердце с душею чистою Господеву представить. / Темже и Христос чудесы тебе прославляет, Тому вопиющая: / Господа воспевайте, дела, и превозносите Его во вся веки.

**Н**ыне пустыня веселием, óтче, красúется, / имúщи мóщи твоя в себé, Ефрéме преподóбне, / ученицы же твои, твоёмú житию ревнúюще, / о твоéй пáмяти радующеся, Творцú вопиют: / Гóспода воспева́йте, дела́, и превозносите Егó во вся вéки.

**В** пустыни, преподóбне, идéже селéние имéл есý, / тáмо пречéстен храм в слáву Христóву воздвигл есý, / в нем прославля́тся пречы́стому Тогó имени и всем вопíti: / Гóспода воспева́йте, дела́, и превозносите Егó во вся вéки.

**Богорóдичен:** Свещниче Свéта трисóлнечнаго сýщи, / зарéю благоутрóбия Твоегó тьму отыми́ прегрешéний мо́их, Богородíteльнице, / избавлéние нúждных болéзней подаю́щи / véрою пою́щему и превознося́щему пречы́стое Твоé рождество́.

### Песнь 9

**Ирмо́с:** *Всяк земнорóдный / да възгра́ется, Дúхом просвещáемь, / да торжествúет же Безплóтных умóв естество́, / почитаю́щее свящéнное торже-ство́ Богомáтере, / и да вопиét: / раду́йся, Всебла-жéнная Богорóдице, / Чы́стая Приснодéво.*

От пусты́ннаго жити́я к премíрному и вéчному житию́ я́ко прешéд, блажéнне, / не престáй моля́ Избáвителя от разлýchных напáстей и бед избáвити / любóвию честное́ твоé успéние ны́не пéснями слáвлящих.

Певцéв, íскреннею любóвию пою́щих / и véрою тебе́ пéние хвалéния принося́щих, преблажéнне Ефрéме, / от всяких бед и скорбéй избавля́й, да ты вси любóвию велича́ем.

От рук мо́их недостóйных мáлое сие́ пéсенное хвалéние / принося́щаго ти с любóвию, приими́, блажéнне Ефрéме: / не бо возмогóх протíву твоегó величества́ украсíti, / но мáлое сие́, я́ко вели́ко, приими́, / да тебе́ всегда́ велича́ем в пéснях.

**Богорóдичен:** Пéние с пéснию и хвалéние исплетéное от болéзненных душí / приношú с любóвию Тебé, рóждшей Христá, естество́м Бóга, / éже благоприя́тно приими́ши, прошéния моя́, Богорóдице, испóлни / и молítвами Твоими́ соблюди́.

### Светилен:

Ангельскаго житія желая, удалил еси себе в пустынях / и, страсти покорив плотския, равен Ангелом явился еси, / отче наш Богоносе Ефреме.

### Богородичен:

Державным Твоим покровом от врагов навета / нас, Чистая, Твоих раб, соблюди всех невредных, / Ты бо единому имамаи прибежище в нуждах.

### На хвалитех стихиры на 4, глас 8.

Подобен: О, преславнаго чудесе:

Преподобне отче Ефреме, / ты, яко Христово на рамо взем, / доблественне найтие вражие попрад еси. / Сего ради ты, / вернии вси, почитаем, / о преблаженне, монашествующих похвало. / Темже Христа непрестанно моли / спасти души наша.

Верую сошедшеся вси, / яко постника ты Христова почитаем, Ефреме: / радуясь убо, шествовал еси в пустыню непроходимую, мудре, / наставник был еси честен. / Темже тебе мы верую взываем, / блаженне, постников похвало: / о нас молися ко Господу, / помилватися душам нашим.

Преподобне отче наш, / будущия ради жизни / при эзере на острове Перекоме вселился еси, / никакоже бояся невидимых врагов, / многожды толцания творящих к тебе, / ты же молитвами сих без вести творил еси, / о терпеливый душею, / в пусте месте, чудное овча, / Христа Агнца Пастыря имья. / Темже ты верую вси чтим и ублажаем.

### Слава, глас тойже. Самогласен:

На Небо текущую возшед колесницу, чудне, добродетелей, / достиг еси крайнее житие воздержанием, / из пустыни смотря Вьшняго Иерусалима красоты / и, болезненным подвигом достойно почести прием, / с Небесными радуешься чиновачалии, преблаженне, / вечных благих наследник / и Царствия житель быв. / Молися, преподобне Ефреме, Спасу всех / умирить мир и спасти души наша.

И ныне, праздника. Славословие великое.  
На Литургии служба преподобническая.

### Преподобный Ефрем Перекомский, Новгородский,

родился 20 сентября 1412 года в г. Кашине. В святом Крещении назван Евстафием. Его родители, Стефан и Анна, проживали недалеко от Кашинского женского монастыря в честь Успения Пресвятой Богородицы. Склонный к уединению, Евстафий еще в юные годы оставил родительский дом и поселился в Калязинской обители во Имя Пресвятой Троицы. Родители хотели возвратить сына домой, но он сам убедил их оставить мир и принять монашество. Впоследствии они и завершили земной путь в отшельничестве. Пробыв в обители три года, Евстафий по чудесному откровению перешел в монастырь преподобного Саввы Вишерского (память 1 октября) и там в 1437 году принял постриг с именем Ефрем. Находясь в обители, преподобный Ефрем получил откровение от Господа, повелевавшего ему удалиться в пустынное место. Получив благословение преподобного Саввы, он в 1450 году перешел на озеро Ильмень, к устью реки Веренды, и на берегу реки Черной поставил келлию. Через некоторое время к преподобному Ефрему пришли старец Фома и два инока и поселились неподалеку от его келлии. Со временем к новой обители стали собираться и другие отшельники. По их просьбе преподобный Ефрем принял в Новгороде от святителя Евфимия (†1458; память 11 марта) сан священника.

Возвратившись из Новгорода, преподобный Ефрем основал храм в честь Богоявления Господня на острове, находившемся в устье реки Веренды. Для удобной доставки монастырю воды преподобный прокопал в озеро Ильмень проток, отчего обитель получила название Перекомской, или Перекомской. Впоследствии преподобный Ефрем основал каменный храм во имя Святителя Николая Чудотворца. Ввиду недостатка искусных строителей он послал к великому князю Василию Иоанновичу нескольких иноков с прошением о присылке



каменщиков, после чего в 1466 году строительство храма было завершено.

Преставился преподобный Ефрем 26 сентября 1492 года и был погребен в храме Святителя Николая. В 1509 году из-за частых наводнений, грозивших монастырю разрушением, обитель была перенесена в другое место на берегу озера Ильмень. Явившийся игумену Роману преподобный Ефрем указал место Клинково для расположения обители. На месте погребения преподобного была построена часовня, поскольку все монастырские храмы были разобраны. 16 мая 1545 года мощи преподобного Ефрема были перенесены в новую обитель. С того дня в монастыре ежегодно совершалась память преподобного Ефрема Перекомского, утвердившаяся окончательно после прославления святого подвижника на Соборе Русской Церкви в 1549 году. Сведения о преподобном Ефреме помещены также в Минею 26 сентября.

